

MetaCorp na tur esnan concerni

Danki pa apoya Drive-In

METACORP tambe ta sinti hopi dolor cu e seramento di Drive-In y nos ta hopi agradecido na tur nos clientela y pueblo di Aruba cu a patrosina nos pa 40 aña largo. Nos tambe tin hopi recuerdo y nostalgia desde su construccion.

MetaCorp a subsidia e perdida di Drive-In pa añanan largo y ta bisto cu e negoshi no por rindi suficiente pa paga su gastonan. Nos lo por a sigui subsidia Drive-In si no ta pa algun motibo di tecnologia cu nos lo splica.

Tur hende sa cu pronto un compania di afo lo habri 6 pantaya na Palm Beach mientras cu no tin suficiente mercado ni p'e 12 salanan existente sin conta Drive-In. Den nos determinacion pa sobrevivi cu e negoshi di cine cu nos a start

89 aña pasa na 1920, nos a haci cierto inversion hopi atrevido inviertiendo hopi capital pa converti tur nos salanan for di film 35 mm pa projectors digital. Aruba y Corsow lo t'e unico mercado na mundo cu lo ta 100% digital y den area di Caribe y Sur America tin masha poco di e tecnologia aki.

Como consecuencia di e cambio pa digital, e companianan di pelicula manera MGM, Fox, Universal, etc. no lo manda un print di 35 mm pa Drive-In so ya cu loke ta toca nan for di entrada no ta cubri e costo di e print.

E pregunta lo surgi, pakico no instala digital na Drive-In? Si t'asina mes cu tin un projector digital cu por proyecta riba un pantaya asina grandi, cu

un distancia asina largo y den aire liber, e inversion lo ta hopi biahra mas tanto cu den un sala sera y chikito y esaki lo ta prohibitivo.

Nos lo concentra tur nos esfuerso pa mantene The Cinemas na Renaissance y The cinemas na Paseo habri ya cu esakinan tambe ta rekeri nos subsidio te hasta sin e competencia na Palm Beach.

Nos no tin un plan pa futuro di Drive-In, pero en todo caso e no ta na benta y nos lo evalua tur posibilidad. MetaCorp ta spera comprension di un y tur y nos ta aprecia tur expresion na favor di Drive-In cu alabez ta confirma e puesto special cu e tin den nos comunidad.

